



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXXVI. De similitudine Regni Cælorum cum Thesauro.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

Cælorum abscondit in Memoria per continuam recordationem, in Intellectu per summam æstimationem, & in Voluntate per ardens desiderium, Spes & Amorem.

PUNCT. III. Considera, Fermentum Regni Cælorum tamdiu in farinae satis abscondendum esse, donec undiq; se diffuderit, nempe ad omnes actus iustitiæ per totam vitam: semper enim dicto modo ad illos actus impellere nos debemus, dicendo cum Regio Vate: *Credo videre Bona Domini in Terra Viventium* Pl. 26. Et cum Job. c. 19. *Scio, quod Redemptor meus vit, & in novissimo die de terra surrecturus sum, & circumdabor pelle mea: & in carne mea videbo DEUM Salvatorem meum, quem visurus sum ego ipse, & oculi mei conspexerunt, & non alius: reposita est haec spes mea in sinu meo.*

## MEDITATIO CCLXXV

### *De similitudine Regni Cælorum cum Thesauro.*

Matth. 13. v. 44.

PUNCTUM I. *Simile est Regnum Cælorum Thesauro abscondito in agro.* Matth. 13. v. 44. Perpende, quomodo verè Regnum Cælorum Thesauro comparetur: consistit enim Regnum Cælorum potissimum consistat in possessione Beatitudinis objectivæ; hæc autem sit Deus ipse, qui est Bonum infinitum, unice & perfectissimum, trans Intellectum, & Voluntatem, eoque obtinenda ponatur homo in Statu, omnium bonorum aggregato.

tione perfecto; hinc Regnum Cælorum est Thesaurus omnium pretiosissimus. Et tamen adhuc absconditus, quia non nisi Fide obscura, & à sensibus remotâ cognoscitur: nam *Oculus non vidit, nec auris audivit, nec in cor hominis ascendit, quæ præparavit DEVS iis, qui diligunt illum.* 1. Cor. 2. v. 9. Rectè etiam dicitur in agro absconditus, ut eum velut in loco patenti, quò nulli præclusus est aditus, quilibet invenire possit. DEVS enim *Omnes homines vult salvos fieri, & ad agnitionem Veritatis venire.* 1. Timoth. 2. v. 4. Et ut ipsa etiam soli fertilitate, ac amænitate (per quas fructus Gratia, & gaudia accidentaliter Gloriæ Cælestis significantur) homo alliciatur ad Agrum illum sibi comparandum. Cùm ergo Regnum Cælorum tantus Thesaurus sit, & absconditus sit, & à quolibet cum gaudio reperiri possit, ideo magnâ diligentia, & constantia nos illum quærere oportet.

PUNCT. II. *Quem, qui invenit homo, abscondit, & præ gaudio illius vadit, & vendit universa, quæ habet, & emit agrum illum.* Ager, quo empto acquiritur jus ad Thesaurum, est Gratia Sanctificans: invenitur autem per Opera bona, ac meritoria; quæ, qui facit in abscondito, ut Pater Cælestis, qui videt in abscondito, reddat secundum Christi promissionem apud Matth. c. 6. is inventum Thesaurum, sive inventionem Thesauri abscondit, ne ejus manifestatione humanam laudem quærens, hîc mercedem transitoriam recipiat, & Thesaurum Regni Cælorum perdat. Hæc tamen inventio ingens gaudium in Anima parit, ut adeoque laude, plausu, & favore humano non indigeat. Sicut enim opera mala remorsum Conscientiæ, adeoque tristitiam pariunt; sic Opera bona generant

nerant gaudium: unde *Secura mens quasi iuge convivium*  
 Proverb. 15. v. 15. Id ipsum expertus est, qui dixit  
 2. Cor. 1. v. 12. *Gloria nostra hæc est, testimonium Con-*  
*scientiæ nostræ, quod in Simplicitate cordis, & Sinceritate*  
*DEI, & non in Sapientia carnali, sed in Gratia DEI con-*  
*versati sumus in hoc mundo.*

PUNCT. III. Quia verò tunc primùm Thesauri  
 rus inventus simul cum agro, perfecto & stabili iure  
 acquiritur, quando quis cum Gratia finali decedit  
 hac vita; ideo vadens pro Gratia comparanda vendit  
 omnia, omnes honores, omnes voluptates, omnes  
 denique creaturas, quarum abdicatio utilis vel neces-  
 saria est ad Gratiam finalem, & ad Thesaurum Regni  
 Cælorum sibi comparandum; vel quarum retentio  
 occasio sibi est peccati, sive mortalis, sive venialis,  
 sive multarum saltem imperfectionum, dispositio  
 tum ad peccatum.

## MEDITATIO CCLXXVII

### *De similitudine Regni Cælorum*

*cum Margarita.*

Matth. 13. v. 45.

PUNCTUM I. *Simile est Regnum Cælorum homini negoti-*  
*atori, quærenti bonas Margaritas.* Id est: Simi-  
 modo quæritur Regnum Cælorum, quomodo  
 negotiator quærit bonas Margaritas: adeoque Regnum  
 Cælorum comparatur bonæ Margaritæ. Confidit  
 ergo, quòd, sicut negotiator prudenter discernit,  
 seligit bonas Margaritas à malis & falsis, solùmque  
 apparentibus Margaritis, sic quicumque quærit